




# Noga e hlalefetša monna

Tshepiso Mogaswa

Adonay Gebru



Ulwazi  
Lwethu



Kgalekgale, go be go na le lesogana leo le bego  
le bitšwa Mosimane.

E be e le motho wa go loka, wa lerato. O be a  
rata go yo iketla leribeng la noka.

Ka letšatši le lengwe, ge Mosimane a be a le  
nokeng, o ile a kopana le noga.



"Dumela nogá," Mosimane a realo.

"Dumela mohlomphegi," nogá ya araba.


Nogá ya botšá Mosimane gore e ka mo dira mohumi. Mosimane o be a swanetše go rwala nogá hlogong ya gagwe a e iše mo e nyakago go ya gona.

Nogá e be e bonala e tshepagala.



Mosimane o be a na le botho. A dumela go rwala noga hlogong.

Ba ile ba tshela noka mmogo.



Ge ba fihla ka mošola wa noka, nogá ya kgopela  
gore ba be bagwera, ka ge yona e se na  
bagwera.

Mosimane a dumela ntle le go dikadika.

Ge ba le tseleng ba kopana le Phiri.



"Dumelang batho ba ka," Phiri ya ba bitša bjalo.

"Dumela Phiri," Mosimane le nogá ba arabá ka nako e tee.

"Le ya kae?" Phiri ya botšiša.

"Re ya mo ke ratago go ya gona," nogá ya arabá. Phiri a makala.



"Na o hwetša moputso wo mobotse morago ga go rwala nogá hlogong?" Phiri ya botšiša Mosimane.

Mosimane ga se a bolela seo nogá e mo tshepišitšego sona.

Mosimane le nogá ba tšwela pele ka leeto la bona.



Leetong la bona le letelele, Mosimane a thoma go lapa.

Ba kopane le Phukubje kgauswi le mohlare wa moriti wo mobosana.

Phukubje ya lebelela noga ge e kudupane hlogong ya monna. Ga se ya tshepa se a se bonago. Ya thoma go sega.



Noga ya kgadimola Phukubje ya re,  
"Gobaneng o sega? Lesego le ka hlola dintwa!"  
"Nna le noga re bagwera ba potego!" Mosimane  
a botša Phukubje.  
Phukubje a nagana sebakanyana. Morago a  
bolelela fase.



"Noga, fologa hlogong ya ka gore ke kgone go kwa Phukubje gabotse," Mosimane a realo.

A tšwela pele, "Noga, ke go rwele ka go tshediša noka. Ke go fihlišitše bokgole bjo. O kae moputso wa ka? Ke be ke gopola gore re bagwera."



Phukubje a botšiša, “Ga o tsebe gore dinoga ga di tshepagale?”

Noga ya bona gore Mosimane o hiduegile gomme ya gogobela ka sethogweng.

Mosimane o ile a ya gae a yo botša batho ka ga noga.

Go fihla gabjale, batho ga ba tshepe dinoga.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

**Title:** Noga e hlalefetša monna

**Author/s:** Tshepiso Mogaswa

**Translator/s:** Connie Makgabo

**Illustrator/s:** Adonay Gebru

**Assurer/s:** Dikeledi Queen Shai

**Language:** Sepedi



© Zenex Foundation - Saide 2023

**CC BY** includes the following elements:

**BY** – Credit must be given to the creator

